



Prughjettu "EU FAEDDHU GADDHURÉSU"

Finanziatu da la L. 482/1999, artt. 9 e 15 e L.R. 22/2018 – annualitai 2021

## DPCM nóu: Green pass e intrata a silvizi e attivitai

E' l'ultimu pruvidimentu in materia di emelgènzia sanitària: lu [DPCM di la dí 21 di Ghjinnagghju di lu 2022](#) (*Scindacazioni di li bisogni essenziali e primmari pa' l'aggradu di li cali no è rinchestu lu pussessu di una di li Ciltificazioni veldi COVID-19*), publicatu da pocu in Gazzetta Ufficiale, è difatti liatu a l'ultimu decretu (1/2022) chi à introdottu l'òbbligu vaccinali pa' l' over 50.

Lu documentu in chistioni rigualda le **réguli noi innant'a l'usu di lu Green pass** (rilasciatu o dapoi di la vaccinazioni, o dapoi esse sanati da lu da Covid-19, o dapoi aè fattu un tamponi cun esitu negativu, fattu illi 72 ori innanzi illu casu di test molecolari, oppuri 48 ori innanzi illu casu di tamponi antigenicu rapidu) **illi negozi e ill'uffici pubblici**

La nuitai di chistu DPCM (chi **entrerà in vigori da la dí 1° di Friagghju di lu 2022**), paltantu, è rappresintata da l'indicazioni di una **lista di l'attivitai cummelciali** undi **sarà e no sarà nizissàriu lu Green Pass** pa' intrà.

Lu pruvidiemntu individuighgia li bisogni essenziali e primmari di la passona da satisfà pa' li cali no rinchestu lu pussessu di lu Green Pass, a li sensi di lu DL 1/2022. **La dèroga vali pa' li silvizi e l'attivitai chi si facini, in locali a lu chjusu, in cinqu ambiti:**

- alimentari e primma nizissitai;
- sanitàriu;
- vittirinàiu;
- di ghjustizia;
- di sicuresa passunali.

**NB - L'altículu 2 di lu DPCM specifichigghja chi li untrolli innantu a lu green pass sò di responsabilità di li titolari di l'eselcizi e da li responsabbili di li silvizi "ancora cun cuntrolli a campioni".**

In chista tabella, divisa pa' tipologii di eselcizi, demu li coordinati precisi tamenti in cunsidarazioni di li nuitai intrati in vigori da la dí 20 di Ghjinnagghju di lu 2022.

### **Supermalcati, malcati e negozi di alimintari**

Si pó intrà chena Green pass base appiù chi illi negozi di alimintari puru in chissi "no specializzati", ma "cun magghjoritai di prudotti alimintari e bienda" comu **ipermalcati, supermalcati, discount,**

**minimalcati e altu eselcizi di "alimintari vari"**, mentri sò esclusi l'enotechi undi è pussibbuli putu bí e magnà.

Chena Green pass, ancora:

- si podarà fà la spesa illa fiera di paesi;
- si podarà cumparà illi bancarelli.

### **Falmacii, ottichi e cura di la passona**

No selvarà il Green pass base pa':

- **cumparà midicini** o prudotti pa' la cura di la passona (cremi, bagno schiuma, shampoo, deodoranti, spazzolini, dentifrici, prudotti pa' la primma infànzia) in **falmacii e parafalmacii**;
- negozi di ottica;
- eselcizi cummelciali specializzati illu commelciu a lu dettaglio di animali di casa e alimenti pa' l'animali di casa.

### **Negozi di `istiri, giocattoli e bianchettu**

Lu Green pass base selvarà, da la dí 1° di friagghju di lu 2022, pa' li negozi chi vendini vistiri, giocattoli e bianchettu. Da la dí 20 di Ghjinnagghju di lu 2022, selvi pa' li silvizi a la persona: **piluccheri, estetisti, tatuadori e piercer**.

### **Edículi, libbrarii, caltolerii**

Nienti ciltificatu pa' l'edículi a l'abbaltu (chioschi).

Selvi lu green pass base pa':

- negozi chi indrentu vendini giornali;
- caltolerii;
- libbrarii.

### **Tabacchini**

Selvarà lu green pass base.

### **Benzinai e pellet**

Li benzinai, in cantu attivitai all'abbaltu, felmarani libbari: sarà pussibbili dunca piddhà la benzina pa' moto o macchina chena Green pass. Lu stessu valarà pa' cumparà lu combustibili pa' la casa, cumpresi puru la ligna, lu pellet e lu cherosene.

### **Uspidali, duttori di familia, vittirinàiu**

No selvi lu green pass.

### **Dentisti**

**Illu studiu di li dentisi l'òbliggu di esibí lu Green Pass, base o rinfulzatu, no è priistu da la legghji**, mentri chi odontoiatri, igienisti e assistenti (Aso) so ghjà obligati a fassi lu vaccinu, in cantu passunali sanitariu. A li pazienti veni dummandata un'autociltificazioni, ma in dugna casu lu dentista dé pristà li curi, soprattuttu in casu di ulgenzi (no pa' una semprizi pulizia di li denti).

## Dinunzi e processi

**No duarani aè lu green pass li zittadini chi deni intrà in una stazione di li carabinieri, in un cummissariatu, in un cumandu di vigili pa' prisintà una dinunzia o in dugna casu fa un attu «indifferibili».** Nienti green pass ancora pa' palticipà a un pruzessu in tribunali.

## Banchi, posti, uffici pubblici

Da la dí 1° di Friagghju di lu 2022 lu green pass base selvarà invece pa' intrà in: «**Pubblichi uffici, silvizi postali, bancari e finanziari**». No sarà dunca pussibbili andà in un ufficiu pustali a ritirà la pansioni chena la ciltificazioni veldi standard (cocme a dí ancora cun tamponi negativu).

- [Raccumandazioni a li zittadini pa' intrà ill'uffici comunali.](#)

## La FAQ di l'ultimu momentu: supermalcato ok, città melcatu "a negozio"

1. Chissi chi entrani illi eselcizi cummelciali esenti da lu cd. green pass priisti da l'alligato di lu decretu di lu Presidenti di lu Cunsiddhu di li Ministri di a dí 21 di Ghjinnagghju di lu 2022 poni cumparà uguna tipu di malcanzia vinduta?  
Eja, l'àitu a li ghjà ditti eselcizi cummelciali cunsenti l'accuistu di cassisia tipu di malcanzia, puru siddhu no è liata a l'aggradu di l'esigenzi essenziali e primmari individuati illu Decretu di lu Presidenti di lu Cunsiddhu di li Ministri.

Cun chista FAQ pubblicata sàbbatu 22 di Ghjinnagghju di lu 2022, dunca, lu Governu à chjaritu chi pa' esempiu cal'anda a lu supermalcatu (undi si podarà continuà a intrà libbaramenti) **podarà cumparà alimenti (di primma nizissitai) ma puru, pa' esempiu, ghjochi pa' steddhi, libbri o giulnali, 'istiri o arredamentu siddhu so vinduti indrentu a lu mattessi negoziu.**

Diversu è lu casu di l'intrata illi città malcatu: libbaramenti si podarà intrà solamenti illi locali chi vendini alimintari o midicini ma no in un altu che, pa' esempiu, vendi vistiri. E la verífica, cun cuntrolli a campioni, sarà affidati a li negozianti.